

序

漢書藝文志農九家百一十四篇今無傳者卽古
今公私藏書簿錄農家者流亦寥寥蓋三代時春
令民畢出在野冬則畢入於邑是月餘子亦入於
序室而受小學故古無不學之農阿衡莘野周公
明農春秋時冀缺長沮桀溺荷蓀丈人之流無不
從事於耕降及漢晉南陽之躬耕栗里之荷鋤猶
其遺意是古亦少不農之士後世農勤耒耜而士
習章句判若二途故農習其業而不能筆之於書

士鄙其事而未由詳究其理卽今世傳有齊民要術農桑輯要諸書亦不過供學者之流覽於服田力穡者毫無裨補也余家世農未通籍時頗留心耕稼之事客歲以假旋里松楸附近緣連年積水頗有藝治稻畦者間詢其種藝之方則有與諸書合者或取諸書所載而彼未備者以鄉語告之彼則躍然試之輒有效始知古人不我欺而農家者流諸書爲可寶貴方今

聖天子軫念郊圻疊遭水患

飭諭直省大吏疏濬河道並將興修水利沮洳之區行將變爲稻鄉但北人藝稻者少種植收穫之方終多簡略余因取齊民要術農桑輯要及王楙農書徐光啟農政全書中有關於墾水田藝杭稻諸法皆詳採之又恭讀

欽定授時通考內載

列聖題耕圖詩節次詳盡於水耕火耨者大有裨助敬錄諸卷首釐爲十門訂爲六卷顏之曰澤農要錄留心斯事者得是書而考之暇時與二三父老課晴

問雨之餘詳爲演說較諸召募農師其收效未必
不較捷而於古士農合一之制亦藉以少存餘意
云時

道光四年歲在甲申仲春望日益津吳邦慶撰

澤農要錄目

卷一

授時第一

卷二

田制第二

卷三

辨種第三

耕墾第四

卷四

樹藝第五

耘耔第六

培壅第七

卷五

灌溉第八

用水第九

卷六

收穫第十

澤農要錄卷一

授時第一

敬授人時見於堯典所謂東作西成南訛朔易皆時也其在豳風七月自于耜舉趾以逮滌場納稼言時尤詳至月令一篇雖傳爲秦時所著然皆係隆周之盛典其勞民勸相往復周摯於播種收穫之事有不啻家諭而戶曉者嘗讀呂氏春秋曰得時之稼興失時之稼約莖相若稱之得時者重粟之多量粟相若而舂之得時者多米量米相若而

食之得時者忍饑又曰得時之稻大本而莖葆長
稠疏穢穗如馬尾大粒無芒搏米而薄糠舂之易
而食之香先時者大本而葉葉格對短稠短穗多
粃厚糠薄米多芒後時者纖梗而不滋厚糠多粃
是稼貴得時而稻尤重方今

畿輔之間興修水利埵見舉鍤成雲決渠爲雨變稂
黍而爲秔稻是授時尤所宜亟講者然周官有稻
人之職豳風有穫稻之文月令亦著食稻之儀而
耕種耘穫則未有詳臚而昭示之者恭閱

聖祖仁皇帝欽頒耕織圖耕凡二十三事自浸種插秧以至收穫祭賽節次具備又

親灑宸藻事繫以詩

四聖相承纘

神謨而重農事皆於

幾暇徧加題詠伏讀之下不惟見小民生計在

天地覆載之中者卽歸

列聖涵育之內而一切種蔣培壅收穫蓋藏諸法古農書
之所未備者皆可紬繹

天章而得其竅要故敬錄之不惟補周官稻人之遺而堯
典授時一言亦始見實際云又農桑輯要論種蒔
時月及農桑通訣內授時指掌活法之圖自浸種
布秧以至蒔草收稈依時列之頗詳亦附錄於後
又王象晉羣芳譜取古經傳詳釋節候亦有裨於
農正者並採焉 按耕織圖始於宋仁宗
見困學紀聞
至高宗時四明樓璘爲臨安於潛令時繪爲此圖
耕圖凡二十一各繫以五言詩以上於朝其孫洪
深等刻之其從子鑰重刻之
有後序見文集
元有程榮摹

本並篆書壽詩此本今亦在

大內

高宗純皇帝勒石頒賜并

御製詩卽用樓壽韻茲旣恭錄於卷并以壽詩附後今本
係

聖祖仁皇帝命工重繪者耕圖凡二十三事謹考其源流
如左云再按程棨耕圖闕初秧祭神二事故止二
十一以樓鑰集後序考之數亦相符

欽頒之本凡二十三事幅繫以詩其二十一爲樓壽詩初

秧祭神二首爲孰作無從考証詳錄之以俟博學者之訂正云

耕織圖耕圖目錄

浸種 耕 耙耨 耖

碌碡 布秧 初秧 淤蔭

拔秧 插秧 一耘 二耘

三耘 灌漑 收刈 登場

持穗 舂碓 簾 簸揚

礮 入倉 祭神

聖祖仁皇帝御制耕織圖序

朕早夜勤毳研求治理念生民之本以衣食爲天嘗讀幽
風無逸諸篇其言稼穡蠶桑織悉具備昔人以此被之管
絃列於典誥有天下國家者洵不可不留連三復於其際
也西漢詔令最爲近古其言曰農事傷則饑之本也女紅
害則寒之原也又曰老者以壽終幼孤得遂長欲臻斯理
者舍本務其曷以哉朕每巡省風謠樂觀農事於南北土
疆之性黍稷播種之宜節候早晚之殊蝗蝻捕治之法素
愛諮詢知此甚晰聽政時恒與諸臣工言之於豐澤園之

側治田數畦環以溪水阡陌井然在目桔槔之聲盈耳歲收嘉禾數十鍾隴畔樹桑傍列蠶舍浴繭繰絲恍然如布簷蔀屋因構知稼軒秋雲亭以觀之古人有言衣帛當思織女之寒食粟當念農夫之苦朕惓惓於此至深且切也爰繪耕織圖各二十三幅朕於每幅製詩一章以吟咏其勤苦而書之於圖自始事迄終事農人胼手胝足之勞蠶女繭絲機杼之瘁咸備極其情狀復命鏤板流傳用以示子孫臣庶俾知粒食維艱授衣匪易書曰惟土物愛厥心臧庶於斯圖有所感發焉且欲令寰宇之內皆敦崇本業

勤以謀之儉以積之衣食豐饒以共躋於安和富壽之域
斯則朕嘉惠元元之意也夫

聖祖仁皇帝御製詩

暄和節候肇農功自此勤勞處處同早辨東田種陸種襄
裳涉水浸筠籠

浸種

土膏初動正春晴野老支筇早課耕辛苦田家惟穡事隴
邊時聽叱牛聲

耕

每當盱食念民依南畝三時願不違已見深耕還易耨綠

蓂青笠雨霏霏

耨耨

東阡西陌水潺湲扶耖泥塗未得閒爲念饔飧由力作敢

辭竭蹶向田間

耖

老農力穡慮偏周早夜扶犁未肯休更駕烏犍施碌碡好

教春水滿平疇

碌碡

農家布種避春寒甲坼初萌最可觀自昔虞書傳播穀民

閒莫作等閒看

布秧

一年農事在春深無限田家望歲心最愛清和天氣好綠

疇千頃露秧鉞

初秧

從來土沃藉農勤豐歉皆由用力分雜草灑灰滋地利心

期千畝稼如雲

游陰

青蔥刺水滿平川移植西疇更勃然節序驚心芒種迫分
秧須及夏初天

拔秧

千畦水澤正瀾瀾競插新秧恐後時亞旅同心欣力作月
明歸去莫嫌遲

插秧

豐苗翼翼出清波荇稗叢生可若何非種自應芟薙盡莫
教稂莠敗嘉禾

一耘

曾爲耘苗結隊行更憂宿草去還生隴間饋饁頻來往勞
勸田家婦子情

二耘